



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

Svmmarivm.

urn:nbn:de:hbz:466:1-10316

rum, constitutionum, & consuetudinum, ac de defectu intentionis ejusdem Sedis Apostolicæ cognoscere possunt, *cap. 14. de refor. sess. 24.*

80 Decimononò in ¶ omnibus monasteriis monialium Episcopis non subjectis Sedis Apostolicæ auctoritate, Episcopi clausuram visitare possunt, & ubi clausura violata fuerit, ut restituatur, ubi verò fuerit inviolata, ut conseruetur, debent procurare, inobedientes, & contradictores per censuras ecclesiasticas, aliatq; pœnas, quacunq; appellatione postposita, compescendo. concil. Tridentin. *in cap. 5. sess. 25. de regul. & monial. & cap. 1. de statu reg. in 6.*

81 Vigesimo monasteria, ¶ quæ sub immediata Sedis Apostol. protectione, ac directione regi consueverunt, tenentur quolibet triennio se in congregationem redigere, ibique certas regulares personas deputare ad formam *capit. in singulis de statu monach.*

Quòd si in his negligentes fuerint, Metropolitanus eorum negligentia tanquam

Sedis Apostolicæ delegatus, supplere potest, & si, Metropolitano instante, satisfacere non curaverint Episcopis in quorum diocœsibus monasteria sunt sita, tanquam Sedis Apost. delegatis, subduntur, *ut c. 8. de reg. & moniale. ead. sess. 25.* in pœnam negligentium observantiam regulæ, quam servare tenentur, *ut in cap. exiit, de verb. signific. in 6. & in clement. 1. eod. titulo.*

Vigesimo primò possunt ¶ etiam Episcopi ex dispositione sacri concilii Tridentini *cap. 8. de reform. sess. 22.* tanquam Sedis Apostolicæ delegati, legatarios cogere ad soluendum legata relicta à testatoribus, juxta formam dicti *cap. 8.* etiam, si sint officiales sanctæ Inquisitionis, & ob id exempti à jurisdictione Ordinariorum, vel professores in aliqua Universitate ratione litterarum conservatoriarum, quæ eximunt à jurisdictione ordinaria, non autem à delegata à Sede Apostolica, ut per sac. congreg. fuit decilum super eodem, *cap. 8. in decis. sub titulo. Patavina, & in 9. consuetudine etiam.*

DE COLLATIONE BENEFICIORVM

Cap. III.

S V M M A R I V M.

1 Collatio beneficiorum de jure communi Episcopis competit, quocunq; tempore vacent.

2 Collatio beneficiorum regulariter hodie

Episcopis in quatuor duntaxat mensibus spectat.

3 Collatio beneficiorum vigore alternativa ad Episcopos in sex mensibus est concessa.

4 Al-

- 4 Alternativa Episcopi non residentes gaudere non possunt.
- 5 Alternativa est Episcopo cum dictione taxativa vere, & personaliter duntaxat concessa.
- 6 Clausula, sublata, &c. removet facultatem aliter interpretandi.
- 7 Collatores in conferendis beneficijs fines facultatis servare debent.
- 8 Legi auxilium frustra quarit, qui in legem committit.
- 9 Episcopi, quando abesse non dicantur.
- 10 Beneficiorum pluralitas semper fuit odiosa.
- 11 Episcopus, quando habenti unum beneficium alterum conferre possit.
- 12 Episcopus, an possit ad duo beneficia sub eodem recto dispensare.
- 13 Papa scientia in collatione plurium beneficiorum pro dispensatione habetur.
- 14 Aetas ad obtinenda beneficia, quae requiratur.
- 15 Dispensare non potest Episcopus super aetatis defectu.
- 16 Dispensatio super decretis concilii Tridentini soli Papa est reservata.
- 17 Episcopi ordinaria auctoritate quibus beneficia conferre possint.
- 18 Tempus ad promovendum, statutum est unius anni.
- 19 Beneficia regularia regularibus, & secularia secularibus sunt conferenda.
- 20 Canonicatus ecclesiarum collegiarum, quibus conferendi.
- 21 Canonicatus ecclesiarum collegiarum conferri possunt juxta juris communis dispositionem.
- 22 Extensio in legibus correctoria licita non est.
- 23 Parochiales per obitum vacantes praevio concursu, sunt conferenda.
- 24 Examinatores pro exploranda idoneitate ad beneficia obtinenda, quomodo eligendi, & num. 25.
- 25 Examinatores occasione examinis nihil accipere possunt, alioquin simonia crimen committunt.
- 26 Collatio ecclesiae parochialis, praevio examine, ab examinatores in Synodo dioecessana non deputatis, est nulla.
- 27 Parochiali ecclesia vacante, quomodo interim de vicario sit providendum.
- 28 Edictum pro concursu parochialium, quomodo providendum.
- 29 Arbitrium Episcopi, in tempore edicti publicati prorogando, ultra alios decem dies extendi non potest.
- 30 Examine peracto in concursu, & tempore elapso, si alius veniat, non est admittendus.
- 31 Concursus coram quibus fieri debeat.
- 32 Eligentes bonum ad parochialem, qui meliorem eligere possunt, peccant.
- 33 Examinati, & approbati in concursu ad parochiales, qui praeferendi.
- 34 Electio magis idonei in concursu, non ad examinatores, sed ad Episcopum spectat.
- 35 Examinatorum vota, quomodo sint explananda.
- 36 Appellatio non datur a reprobatione examinerum, sed tantum a mala Ordinariorum electione.
- 37 Appellare quando liceat a mala electione.
- 38 Collationes parochialium contra formam sacri concilii factae sunt nullae.
- 39 Parochiales jurisdictionatus laicorum per concursum conferri non debent.
- 40 Parochialis, de cuius iure patronatus dubitatur, quomodo sit conferenda.
- 41 Patroni ad presentandum habent laici

- quadrimestre, & clerici semestre tempus.
- 42 Parochiali jurispatronatus ecclesiastici vacanti quomodo providendum.
- 43 Electio magis idonei spectat ad Episcopum per concursum, etiamsi institutio ecclesie parochialis spectet ad inferiorem collatorem.
- 44 Parochiali ad institutionem, seu presentationem capituli vacanti, quomodo sit providendum.
- 45 Institutione parochialis ad capitulum spectante, Episcopus digniorem eligere debet.
- 46 Iurispatronatus mixtum sortitur naturam iurispatronatus ecclesiastici.
- 47 Possidens fundum indivisum cum pupillo gaudet privilegio pupilli.
- 48 Privilegium ecclesie in indivisis transit in laicum.
- 49 Parochiali ecclesie, cujus oblatio ad inferiorem collatorem spectet, vacanti, quomodo providendum.
- 50 Parochialis ab inferiori collata forma concursus omissa, provisio est nulla, & collatio Sedi Apostolica reservatur.
- 51 Parochiali, ecclesia vacante, cujus inferior habet preemptionem, quomodo providendum.
- 52 Parochiali ad inferiorem collatorem spectante, si vacet, electio vicecurati donec de rectore provideatur, ad Episcopum spectat.
- 53 Concursum facere non potest Abbas, etiamsi iura quasi Episcopalia habeat, licet us sit nullius diocesis.
- 54 Concursum quando facere possit Abbas nullius diocesis.
- 55 Edicto concursus publicato, si unus tantum examini se presentaverit, solus debet examinari.
- 56 Edictum pro concursu habendo, bis proponi non debet.
- 57 Parochiales, quibus de causis sine concursu conferri possint, & 63.
- 58 Parochialium collationes. Episcopi infra sex menses facere tenentur, alia collatio devolvitur ad Papam.
- 59 Parochialibus vacantibus in mensibus vacata reservatis, quomodo providendum.
- 60 Institutio presentatorum ad parochiales, quando devolvatur ad superiorem.
- 61 Conferre possunt Episcopi beneficia vacantia per simplicem permutationem.
- 62 Parochialibus vacantibus causa permutationis, an examen requiratur.
- 63 Parochiales, quibus casibus, sine examine conferri possint.
- 64 Parochiales, quomodo minus idonei conferri possint.
- 65 Permutatione beneficiorum pro parte non completa, an pars laesa veniat restituenda.
- 66 Resignationes quibus ex causis Ordinarii admittere possint.
- 67 Beneficia per resignationes in manibus Ordinariorum factas vacantia, quibus personis conferri non possint.
- 68 Beneficia per resignationem vacantia personis prohibitis conferentes, & illa recipientes, graves poenas incurrunt.
- 69 Parochiali per simplicem resignationem vacante, familiaris Episcopi ad concursum non est admittendus.
- 70 Absolvere potest, quilibet sacerdos approbatus in articulo mortis a quibuscunque casibus reservatis.
- 72 Magnus Magister, & alij ordinis S. Iohannis Hierosolymitani sunt veri Ordinarii.
- Magnus Magister, & alij ordinis Sancto-

- rum Mauritiij, & Lazarus sunt veri Ordinarij, ib.
- 72 Collatio auctoritate ordinaria facta, est magis privilegiata, quam collatio facta vigore privilegiorum.
- 73 Collatio auctoritate ordinaria à collatione vigore privilegiorum facta, quomodo differat.
- 74 Magnus Magister quolibet quinquennio unam commendam cuiuslibet Prioratus conferre potest.
- 75 Injuriam nemini facit, qui suo utitur jure.
- 76 Magnus Magister habet collationem camerarum magistralium.
- 77 Commenda camera Magistralis per assumptionem ad Episcopatum vacat.
- 78 Beneficia vacantia in curia Romana sunt specialiter Sedis Apostolicæ reservata.
- 79 Magnus Magister ordinis S. Iohannis Hierosolymitani, beneficia ejusdem religionis in curia vacantia conferre potest.
- 80 Beneficia ordinis Hierosolymitani non cadunt sub reservationibus Apostolicis.
- 81 Hospitalia de jure communi non comprehenduntur sub reservatione Apostolica.
- 82 Decima Papalis impositio non extenditur ad hospitalia.
- 83 Exceptio firmat regulam in non exceptis.
- 84 Verba: quæcumque, & quibusvis: sunt generalia, quæ nihil excludunt.
- 85 Clausula: sive alio quovis modo vacet: capit quæcumque modum vacandi.
- 86 Feudum regulariter ad descendentes masculos legitimos, & naturales tantum transit.
- 87 Feudum regulariter non venit in restitutione fideicommissi universalis.
- 88 Feudum receptum pro se, suisque heredibus & successoribus quibuscunque, transit testamento ad extraneos haeredes.
- 89 Totum, & parte eodem debet jure censerri.
- 90 Beneficia vacantia per obitum officialium, & familiarium magni Magistri, sunt eidem magno Magistro reservata.
- 91 Magnus Magister, & conventus regulariter conferunt fratribus commendas.
- 92 Priores, & Castellanus emposita, quando commendas conferre possint.
- 93 Prioratus, quot commendas habeant.
- 94 Priores, Baulivi & singuli commendatarij beneficia auctoritate ordinaria conferunt.
- 95 Presbyteri seculares beneficia ordinis Hierosolymitani obtinere non possunt.
- 96 Possessione sua nemo privari potest sine causa cognitione.
- 97 Parochiales ecclesie ordinis Hierosolymitani, previo examine, coram Episcopo sunt conferenda.
- 98 Ordinis Sancti Iohannis Hierosolymitani persona, & bona sunt exempta à jurisdictione quorumcunque.
- 99 Magnus Magister, & Conventus ordinis Hierosolymitani habent merum, & mistum imperium in personas, & bona ejusdem ordinis.
- 100 Collationes, Bulla, scientia, & littera magni Magistri exequi ubique possunt, nullo desuper expectato consensu.
- 101 Conservatores à religione Hierosolymitana, qui eligi possint.
- 102 Conservatores regulariter tribunal erectum habere, & ultra quinquennium litterarum conservatoriatarum beneficio gaudere non possunt.

- 103 Conservatoria pluribus non fuerunt sublatæ, nec imminuta.
- 104 Conservatores, quando eligi possint à regularibus.
- 105 Visitare possunt Episcopi parochiales ordinis Hierosolymitani in pluribus.
- 106 Episcopi, in quas personas ordinis Hierosolymitani jurisdictionem exercere possint.
- 107 Privilegia ordinis Hierosolymitani, quibus non suffragentur.
- 108 Privilegium concessum monachis super immunitate tutela non suffragatur si vagentur.
- 109 Beneficium datur propter officium, sed ob fornicationem dimittens, amittit beneficium.
- 110 Parochiales conferuntur, ut parochi resident, & ob non residentiam sunt privandi.
- 111 Beneficia dantur, ut ecclesie inserviantur, & excommunicato proventus sunt subtrahendi.

EPISCOPI † de jure communi non solum habent jurisdictionem contentiosam, de qua supra cap. 16. pluribus egi, sed & in conferendis beneficijs suarum civitatum, & dicecesum, habent jurisdictionem fundatam, quod ad eos spectet collatio, & institutio omnium beneficiorum, cap. nullus omnino, 16. quæst. 7. & Abb. in cons. 106. num. 3. lib. 2. & ordinaria auctoritate amplam habebant facultatem, quocumque tempore vacarent, illa conferendi, gløf. in cap. quanquam. in verb. devolvetur, vers. ut igitur, & verb. secus, de elect. in 6. & Staph. de grat. expectat. §. 1. num. 1. & num. 28. sed per constitutionem: Ad regimen, & Execrabilis, & alia jura nova, fuit illis limitata.

Unde regulariter † beneficia in quatuor mensibus, videlicet Martij, Junij, Septembris, & Decembris duntaxat vacantia ab Ordinarijs locorum possunt conferri, Staph. d. tract. de grat. expect. numer. 6. & reg. cancell. Clement. Papæ VIII. reg. 6. cujus vigore possunt Patriarchæ, Primates, Archiepiscopi, & Episcopi ampliori † prærogativa gaudere, cum vigore alternativæ, quæ eis tribuitur, quandiu apud ecclesias, aut diceces suas vere, ac personaliter re-

sident, duntaxat in sex mensibus, videlicet, Februarij, Junij, Augusti, Octobris, & Decembris beneficia vacantia conferre possint, postquam per parentes litteras manu propria subsignatas, suoque sigillo munitas, & in sua quisque civitate, & dicecesi data, declaraverint, alternativam prædictam acceptare, & litteras ipsas ad Datarium Papæ transmississent, quibus ab eo receptis, & in Dataria recognitis, tunc demum, & non antea, incipiunt eadem gratia alternativæ gaudere, ut in ead. reg. §. insuper.

4 Alternativa † non acceptata, vel Episcopo ex aliqua causa non residente, in prædictis quatuor Martij, Junij, Septembris, & Decembris mensibus conferre potest, sed ea acceptata, alio jure utitur, quia alternatis mensibus, videlicet, de vacantibus in dictis Februarij, Aprilis, Junij, Augusti, Octobris, & Decembris mensibus facultatem habet conferendi, nec tunc, nisi apud suam ecclesiam, vel in dicecesi residens reperitur, etiam si absens ex causa suæ ecclesiæ necessaria, vel Sedis Apostolicæ esset, quia alternativa conceditur residentibus cum ditione taxativa, vere, & personaliter duntaxat, quæ excludit, & negat